



客家語現代詩 學生組第二名

喊醒童年夢（南四縣腔）

前日下晝，
跔等阿婆去拜伯公，
佢頭播播仔在該搞手機仔，
本來在大樹下同人打嘴鼓个阿婆看佢一下，
佢講：「釣魚仔欸！」。
佢像係發夢分麼个東西嚇醒共樣……
係呀！
還細跔阿婆來拜伯公个時節，
阿婆擺擺都會用絹金个索仔接啊長長，
再尋一皮樹葉仔絹等，
佢會坐在圳溝脣像釣魚仔共樣，
兩子阿婆就做得在伯公下寮一下晝欸！
係呀！
十歲个時節，
一條索仔絹樹葉仔分佢搞就恁歡喜欸，
二十歲个時節，
佢竟然擢忒十年前該當時簡單个快樂，
現代个科技進步蓋遽，
分佢等人時常都會毋記得還細該種單純！
敢有想過，
因為手機仔普遍，
幾久無同身邊个人好好講話？

幾久無該種簡單个笑容？
今嘎，放下若手項个 3C 產品，
共下喊醒自家个童年夢。

作者感言



沈佩宜 屏東商業技術學院商業自動化管理系三年級

這係佢第一擺用客話創作，也係佢第一擺參加閩客語文學獎，看著前幾年學生組得獎者，大部分係客家文化研究所个學生，感覺自家蓋像不自量力！毋過，屋下个人鼓勵佢分自家機會，分佢有勇氣來參加這擺个比賽。

當感謝主辦單位同評審委員个肯定，雖然還有盡多愛改進个所在，毋過用客話創作係一件當美好个事情！還愛感謝佢个阿公、阿婆，教佢客家話；感謝爺哀、阿姑同老妹个鼓勵支持！最尾，希望大家共下來加油，分母語文學創作緊來緊好！感謝大家。